

Statuts della Romania Societat de Students romontschs : Revedi ils 6 de settember 1942 a Glion

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **30 (1943)**

PDF erstellt am: **26.09.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Statuts della Romania

Societad de Students romontschs

Revedi ils 6 de settember 1942 a Glion

§ 1

La Romania consista de commembers activs, commembers honoraris, commembers abonnants e commembers collectivs.

Commember activ sa mintga student romontsch daventar naven della tiarza classa gimnasiala, mercantila, tecnica, dil seminari scolastic u d' in' outra scola equivalenta. Ils commembers activs pagan ina contribuziun annuala de frs 5— ed obtegnan persuerter Ischi, Tschespet, La Talina e Noss Sulom.

Commember honorari daventa scadin activ, che ha absolviu ses studis e retrai Ischi e Tschespet. Plinavon mintgin auter che ei medemamein prompts de retrer regularmein omisdus organs.

Commember abonnant ei tgi che retrai mo in u l' auter dils organs ufficials. Era tgi che pren omisdus organs, sa, sch' ei plai, s' enscriver sut quei num.

Commembers collectivs ein: bibliotecas, scolas, academias, instituts etc. — Ei secapescha dil reminent, che Ischi e Tschespet san tenor beinplascher era vegnir cumprai da tals che san buca sedecider de dar lur num sco commember.

Il prezi ton digl Ischi sco dil Tschespet ei frs 2.50.

§ 2

Igl intent della Romania ei de mantener e cultivar il romontsch, siu spért, sia historia e litteratura.

§ 3

Quei intent vegn realisaus:

- a) entras ina radunonza generala d'atun de tuts ils commembers;
- b) entras las publicaziuns: Igl Ischi, Nies Tschespet e La Talina;
- c) entras instradar, promover e sustener era autras ovras, che surveschan pil bien dil lungatg e dil pievel romontsch.

§ 4

La suprastonza sa, tenor bein apprezzar, era convocar ina radunonza dils activs ed honoraris en in liug central per la primavera. Conclus generals san denton vegnir pri mo dalla radunonza d'atun.

§ 5

La suprastonza duei, cura ch'ella anfla per bien, unir culla radunonza generala ina reuniun publica populara, cun adattai referats.

§ 6

Scadin commember activ ha de comparer alla radunonza generala. Tgi che sa buca comparer, ei obligaus de seperstgisar en scret.

§ 7

La societad elegia en sia radunonza generala ina suprastonza de 5 commembers. Treis, denter quels il president, ston esser activs. Quella suprastonza vegn assistida dal Cussegl della Romania en sia lavur.

§ 8

Ils commembers activs ed honoraris han il dretg de votar. Ils commembers activs della suprastonza vegnan denton eligi mo dals activs.

§ 9

La suprastonza vegn ordinariamein eligida entras scrutini; autras elecziuns e votaziuns daventan cun tscharna, num che duas tiazas dils commembers presents decidien autruisa.

§ 10

Ils redacturs digl Ischi e dil Tschespet ed il casier vegnan eligi mintgamai per 3 onns.

§ 11

Ils dus redacturs assistan in a l'auter cun plaid e fatg. Quels, en uniun d'in tierz commember eligius dalla radunonza, constitueschan la commissiun redaczionala.

§ 12

Ils redacturs digl Ischi e dil Tschespet san, ultra de lur honorari, retrer 25 exemplars dil respectiv

organ. Quels surveschan per exemplars de recensiu e per honorar ils collaboraturs. Essend ils collaboraturs digl Ischi savens numerus, sa per igl Ischi il diember de quels exemplars ir tochen 50. Encuntercomi vegn ei dalla societad ano fatg negins squetschs separats. Tgi che vul squetschs separats, sto pagar sez ed astga buca distribuir quels avon che la vendita ufficiala dil cudischet seigi finida.

§ 13

La suprastonza numna mintg'onn dus revisurs de quen.

§ 14

Il liug festiv per igl onn futur vegn mintgamai proponius dalla radunonza generala e destinaus definitivamein entras la suprastonza.

§ 15

La radunonza generala sa, cun duas tiarzas dellas vuschs, sclauder in commember, che cunterfa agl intent della societad, era senza indícar motivs.

§ 16

Sche la Romania duess sedissolver u calar d'exister per munconza de commembers, duei sia facultad restar deponida duront 20 onns tier igl Uffeci circuital della Cadi e vegnir restituida alla societad en cass che ella sereconstituess. Quellacanun croda la facultad alla Biblioteca romontscha della claustra de Mustér.